



Juovlâráávhu!

”Imelân liävus kunnee olluvvuodâst, eennâm alne *ráávhu* ulmuin, kiäid sun räähist”, almottii engâleh juovlâevangeliumist. Engâlij almottâs poodij vuossâmui juovlâi-uv kaskoo liävuttemes maailm. Talle-uv lâi vuástáluvâi piejâm, suáđih já taistâlem.

Veikâ lovottuvâi mielh suáđih maailmist láá taan čyeti-ive ääigi kiäppánâm ko verdid 1900-lohon, te vaidâlitteht ovdláhháá taan-uv juovlâi maangâs kalgeh poollâđ jieđâs oovdâst kaskoo suáđi kaavhâdvuodâid. Eromâšávt mun smietâm já ruhâdâlâm Etiopia jotelávt julmebin šaddee siskáldâssuáđi siiviiluhrij peeleeest.

Veikâ mij uázžup Suomâst eelliđ čaavdes ráávhu tileest, te lijká mangâsij mielâst ohtsâškode tile mii jieččân enâmist-uv lii rávhuttem. Mun lam jieš-uv huolâstum ohtsâškode äštee savâstállâmpirrâsist. Oro, ete sosiaallii media savâstállâmvuáđuin lii koskâttuvâi ráávhu kukken. Vuoi jispa toho-uv, kost tátulávt äddejeh nuubijd ulmuid puástud já časkeh sanijguin, puáđáččij ráávhu já šiev táttu.

Vâi finnip lase ráávhu, te tarbâšep ráávhutahheid, ráávhu rähteid. Jiejâd aldapirrâsist, päähist, škoovlâst, pargosoojijn tun puávtáh leđe ráávhutahhee puáttee juovlâi. Ráávhu aldapirrâsist šadda uccâ ašijguin já sanijguin. Takkâ já addâgâs láá tehâlumoseh ráávhu-säänih ulmui kooskâst.

Tobbeen kost juovlâi pärni Jeesus lii kuávdáást, te tobben ráhtoo ráávhu. Ij Jeesus tušij tiet nabdoo Ráávhu furstân. Jeesus puáhtá mutteđ ulmuu vááimu, já pyehtid toos ráávhu. Tuot ráávhu ij lah tuš rávhálâš mielâ teikâ rávhálâš orroom, peic tot lii miinii vuáimáubboid. Tot lii Immeel rähisvuodâ fárustis pyehtim ráávhu.

Jeesus, ráávhu furstâ sivnedus tuu juovlâid.

Oulust ovdláhháá advent 2021

Jukka Keskitalo
Oulu pispekode pispe